

TI EBANGHELIO NI JESUCRISTO





ANIA TI EBANGHELIO NI JESUCRISTO?

Ti ebanghelio ni Jesucristo ket plano ti Nailangitan nga Amatayo para iti panagragsak ken **pannakaisalakan*** dagiti annakna. Maawagan daytoy iti ebanghelio ni Jesucristo gapu ta ti **Pannubbot** ni Jesucristo ti kangrunaan iti daytoy a plano. Mayannurot iti planona, imbaon ti Nailangitan nga Amatayo ti Anakna, ni Jesucristo, iti lubong tapno ipakita kadaytoy no kasano ti agbiag iti napnuan kaipapanan ken naragsak a panagbiag ken mangpadas iti agnanayon a rag-o kalpasan daytoy a biag. Babaen iti **parabur** ken asi ni Jesucristo, makapagbalinka a nadalus manipud iti basol ken mangsagrap iti talna ti konsiensia. Makapagbalinka a maikari nga agindeg iti imatang ti Nailangitan nga Ama kalpasan daytoy a biag.

Tapno maawatmo daytoy a talna ken pigsa, nasken a sursuruem ken surotem dagiti pagbatayan ken ordinansa ti ebanghelio. Ti pagbatayan ket maysa a kinapudno a mabalina a mayaplikar iti biag; ti **ordinansa** ket maysa a sagrado, pormal nga aramid nga annongen ti awtoridad ti priesthood ken masansan a wagas ti iseserrek iti maysa a **katalagan** iti Nailangitan nga Amatayo. Dagiti umuna a pagbatayan ti ebanghelio ket pammati ken ni Jesucristo ken panagbabawi. Dagiti umuna nga ordinansa ti ebanghelio ket **panagbuniag** ken panangawat iti Espiritu Santo.

Kalpasan a nasursurom ken nasurotmo dagiti umuna a pagbatayan ken ordinansa ti ebanghelio, kalikagumam a suroten ti pagwadan ni Cristo iti unos ti nabati pay a panagbiagmo. Daytoy nga agtultuloy a kinapudno ken maawagan iti “panagibtur agingga iti panungpalan.”

Matungpalmo ti ebanghelio ni Jesucristo babaen iti:

- Panangpadur-as iti pammati ken ni Jesucristo.
- Panagbabawi.
- Panagpabuniag ken panangawat iti Espiritu Santo.
- Panagibtur agingga iti panungpalan.

*Dagiti balikas a namarisan iti nalabaga ket nailawlawag kadagiti panid 18 ken 19.

PAMMATI KEN NI JESUCRISTO

Ti pammati ket napigsa a panamati a mangallukoy iti maysa a tao nga agtignay. Ti pammati a mangiturong iti pannakapakawan dagiti basbasol ket naisentro ken ni Jesucristo, a ti Pannubbotna ket mangaramid a posible ti pannakapakawan.

Ti pammati ken ni Jesucristo ket ad-adda pay a mamati laeng

Kenkuana. Kayatna a sawen a panangpati nga Isu ket Anak ti Dios ken nagsagaba para kadagiti basbasol, rigrigat, ken an-anayenyo. Kayatna a sawen ti panagtignay iti dayta a pammati. Ti pammati ken ni Jesucristo ket mangiturong kenka nga agayat Kenkuana, agtalek Kenkuana, ken agtungpal kadagiti bilinna.

PANAGBABAWI

Ti pammati ken ni Jesucristo ket mangiturong kenka nga agtarigagay a

mangbalbaliw iti biagmo iti nasaysayaat. Bayat ti panagadalmo iti ebanghelio, mabigbigmo a nakabasolka, wenno nakaaramidka iti maisupiat iti pagayatan ken dagiti pannursuro ti Dios. Babaen ti panagbabawi, balbaliwam dagita a panunot, tarigagay, ugali, ken tignay a saan a maitunos kadagiti pannursuro ti Dios. Ikarina a no agbabawika, pakawanennanto dagiti basbasolmo. No agbabawika:

Bigbigem a nagbasolka ken mariknam ti napudno a panagladingit iti no ania ti naaramidmo.


Isardengmo ti panagaramid iti biddut, ket ikarigatam a saanmon nga aramiden manen daytoy iti kaano man.

Ipuenom dagiti basbasolmo iti Apo ket dumawatka iti pamakawan. Ti panagaramid iti kasta ket mangpalag-an iti nadagsen nga imet. No nakabasolka iti maibusor iti sabali a tao, dawatem pay iti dayta a tao ti pammakawan.

*“Agtalekka ken ni
Jehova iti amin a pusom,
ket dika agtalged iti
pannakaawatmo met laeng.
“Kadagiti amin a dalanmo
isu ti bigbigem, ket isu itu-
rongnanto dagiti desdesmo.”*

Dagiti Proverbio 3:5-6





Agaramidka iti pannakaisubli. Aramidem ti amin a kabaalam a mangatur kadagiti parikut a mabalin a gapuanan dagiti tignaymo.

Agtungpalka kadagiti bilin. Ti panagtungpal iti bilin ti Dios ket mangyeg iti bileg ti ebanghelio iti biagmo. Ti ebanghelio ket mangted kenka iti pigsa a mangliklik kadagiti basolmo. Ti panagtungpal kadagiti bilin ket iramanna ti panangted iti serbisio, panangpakawan kadagiti dadduma, ken idadar-ay kadagiti miting iti Simbaan.

Bigbigem ti Mangisalakan. Ti kapatgan a paset ti panagbabawi ket ti pannakamiris a dumteng ti pannakapakawan gapu ken ni Jesucristo. No dadduma mabalin a nariknam a saanto a pakawanen ti Dios dagiti nadagsen a basol. Ngem nagsagaba ti Mangisalakan para kadagiti basoltayo tapno maparmek dagitoy, uray pay dagiti nadagsen a basol. Ti bunga ti pudno a panagbabawi ket pannakapakawan, talna, liwliwa, ken rag-o.

Ti panagbabawi ket saan a kanayon a kayatna a sawen ti panagaramid kadagiti dakkel a panagbalbaliw. Masansan nga agkasapulan laeng daytoy iti ad-adu a panagkumit nga agbiag a mayannurot iti pagayatan ti Dios. Ti pudno a panagbabawi ket saan a kanayon a mapasamak a sipapardas; aganuska iti bagim bayat ti panangikarigatam a mangaramid no ania ti rumbeng ken mangatur kadagiti biddut nga inaramidmo. Bayat ti panagbabawim, mapadasamto ti maysa a panagbalbaliw iti puso. Saanmonton a tarigagayan pay ti agbasol. Maammuat a maysaka nga anak ti Dios ken nasken a saanmon nga ituloy pay ti panagaramid kadagiti isu met la biddut. Ti tarigagaymo a mangsurot iti Dios ket pumigpigsa ken nalalau.

*Agaramidtayo amin
iti biddut. No dadduma
madangrantayo ti bagitayo
ken masaktantayo dagiti
dadduma kadagiti wagas a
ditayo kabaalam a paimbagen
nga agmaymaysa.
Madadaeltayo dagiti
banag a ditayo kabaalam
a tarimaanen nga
agmaymaysa. Kalpasanna
mariknatayo ti basol,
pannakaibabain, ken
panagsagaba, a ditayo
kabaalam nga agasan
nga agmaymaysa.
Ti pangpaimbag a
bileg ti Pannubbot ket
maipamuspusanna iti
no ania ti saantayo
a matarimaan.*

PANAGBUNIAG KEN TI ESPIRITU SANTO

Ti pammati ken ni Jesucristo ken panagbabawi ket mangisagana kenka para iti panagbuniag ken panangawat iti Espiritu Santo. Insuro ni Jesucristo a nasken a mabuniagan ti tunggal maysa iti danum ken iti Espiritu (ti Espiritu Santo) para iti pannakaugas, wenna pannakapakawan, dagiti basbasol. Babaen iti panagbuniag babaen iti maysa nga addaan iti turay wenna awtoridad ti priesthood ken babaen iti panangawat iti Espiritu Santo, naespirituan a mayanakkanto manen.

Apay a Kasapulan a Mabuniaganak?

Impakita ni Jeasucristo ti pagwadan kadatayo babaen iti panagpabuniag tapno “ipatungpal ti amin a kinalinteg” (Mateo 3:15).

“Simmungbat ni Jesus, Pudno, pudno, kunak kenka, no ti maysa saan a mayanak iti danum, ken iti Espiritu, saanna a mabalin ti sumrek iti pagarian ti Dios.”

Juan 3:5

No mabuniaganka, awatem ti pannakaugas dagiti basolmo (kitaen iti Dagiti Aramid 2:38). Agaramidka iti katulagan, wenna kari, iti Dios: agkari nga umawat ken ni Jesucristo kas Mangisalakanmo, sumurot Kenkuana, ken agtungpal kadagiti bilinna. No aramidem ti pasetmo, ikari ti Nailangitan nga Ama a pakawenna dagiti basolmo. No mabuniaganka babaen ti umno a turay wenna awtoridad, maugasan dagiti basbasolmo.

Ti panagbuniag ket iramanna ti apagbiit a pannakairarem iti danum. Kastoy ti no kasano ti pannakabuniag ni Jesucristo. Ti panagbuniag babaen ti pannakairarem ket sagrado a simbolo ti ipapatay, pannakaitanem, ken Panangungar ni Jesucristo; daytoy ti mangibagi iti gibus ti daan a biagmo ken ti rugi ti baro a biagmo kas maysa a pasurot ni Jesucristo.

Apay a Kasapulan nga Awatek ti Espiritu Santo?

Idinto a ti panagbuniag ugasannaka kadagiti basolmo, ti Espiritu Santo ti mangpasanto, wenna mangpatarnaw, kenka.



No agtalinaedka a napudno kadagiti katulagan iti panagbuniagmo, makadkaduanaka a kanayon ti Espiritu Santo. Marikna ti amin a nasayaat a tao ti impluensia ti Espiritu Santo, ngem dagiti laeng nabuniagan ken nangawat iti Espiritu Santo ti addaan iti karbengan iti kanayon a panangkadkaduana iti unos ti panagbiag.

Tulongannaka ti Espiritu Santo a makailasin ken makaawat iti kinapudno. Ipaayna ti naespirituan a kinapudno ken pammaregta. Liwliwaennaka kadagiti narigat a panawen ken tarabayennaka iti panagaramid kadagiti panggeddeng. Mariknam ti ayat ken impluensia ti Dios iti inaldaw a panagbiagmo babaen ti Espiritu Santo.

Masuruan ken matarabaynaka ti Espiritu Santo. “Ti Manangliwliwa, ti Espiritu Santo, nga ibaonto ni Ama iti naganko, isu isuronanto kadakayo dagiti amin a banag, ket ipalagipnanto kadakayo dagiti isu amin nga imbagak kadakayo.”

Juan 14:26

Ti kabaelam nga agsagrap iti daytoy nadiosan a sagut ket agpannurray iti panagtungpalmo kadagiti bilin ti Dios. Saan a makapagtalinaed ti Espiritu Santo kadagitay saan nga agbibig a mayannurot kadagiti pannursuro ti Dios. Mapukawda ti pribilehio ti panarabay ken pammaregtana. Kanayon nga ikarigatam ti agbalin a maikari iti panangkadkadua ken panangiturong ti Espiritu Santo.

Awatem ti Espiritu Santo kalpasan ti panagbuniag. Iti maysa nga ordinansa a maawagan iti **pannakapatalged**, ipatay ti maysa wenno ad-adu pay a napusgan a addaan iti priesthood dagiti imada iti ulom. Patalgendaka a maysa a miembro ti Simbaan ket bendisionandaka nga umawat iti Espiritu Santo. Gagangay a maaramid daytoy nga ordinansa iti maysa a serbisio ti simbaan kalpasan laeng ti panagbuniag. No nabuniagan ken napatalgendaka, agbalinka a maysa a miembro ti Ti Simbaan ni Jesucristo dagiti Santo iti Ud-udina nga Aldaw.

Dagiti balikas a namarisan iti nalabaga ket nailawlawag kadagiti panid 18 ken 19.

Maited ti Espiritu Santo babaen iti panangipatay kadagiti dakulap.





Ti Sakramento

Kalpasan a nabuniaganka, mapabarom dagiti katulagam iti panagbuniag iti linawas babaen ti pannakiranudmo iti **sakramento**. Bayat ti serbisio ti sakramento, mabendisionan ti tinapay ken danum ken maiwaras iti kongregasion kas panglaglagip iti Pannubbot ni Jesucristo. Ti tinapay ti mangibagi iti bagina, ket ti danum ti mangibagi iti darana. Bayat ti panangpabarom kadagiti katulagam iti panagbuniag, maikari kenka nga addanto kenka ti Espiritu, wenno ti Espiritu Santo, a kadkaduam a kanayon.

Tulongannaka ti sakramento a manglagip nga addaan iti panagyaman ti biag, panagministro, ken Pannubbot ni Jesucristo.

Dagiti balikas a namarisan iti nalabaga ket nailawlawag kadagiti panid 18 ken 19.

Tulongannaka ti sakramento a manglagip ken ni Jesucristo.

PANAGIBTUR AGINGGA ITI PANUNGPALAN

Agbalinka a maysa a miembro ti Ti Simbaan ni Jesucristo dagiti Santo iti Ud-udina nga Aldaw babaen iti pammati ken ni Jesucristo, panagbabawi, ken dagiti ordinansa ti panagbuniag ken pannakapatalged. Kalpasan nga agbalinka a maysa a miembro ti Simbaan, ituloymonto ti dumur-as iti pannakawat. Ituloymo ti mangaramat iti pammati ken ni Jesucristo, agbabawi, ken mangpabaro kadagiti katulagam iti panagbuniag babaen ti pannakiranud iti sakramento, ken panangsurot iti pannarabay ti Espiritu Santo. Dagitoy umuna a pagbatayan ken ordinansa ti ebanghelio ket maysa a pagtuladan a suroten iti unos ti biag. Daytoy tungpal biag a panagkumit ket masansan a maawagan iti “panagibtur agingga iti panungpalan.”

Ti panagibtur agingga iti panungpalan ket mangyeg iti turongen, talna, ken ragsak iti biag. Mariknamto ti rag-o ti panangkarigatam nga agbalin nga ad-adda pay a kas ken ni Jesucristo bayat ti panagserbim ken panangtulongmo kadagitay adda iti aglawlawmo. Maawatamto a nasaysayaat ti pakainaigam iti Amam iti Langit ken mariknam ti naan-anay nga ayatna para kenka. Mariknamto ti namnama ken ti kaipapanan ti panggep iti maysa a masansan a naliday ken nariribuk a lubong.

*T*i ebanghelio ni Jesucristo ket
maysa a wagas ti biag.

“Masapul nga agtultuloykayo a
sitatalingenngen ken ni Cristo, nga addaan
iti naan-anay a kinalawag ti namnama,
ken ayat iti Dios ken iti amin a tao.

Gapuna, no agtultuloykayo, nga agpennek
iti balikas ni Cristo, ken agibtur agingga
iti panungpalan, adtoy, kuna ti Ama:
Maaddaankayto iti biag nga agnanayon.”

2 Nephi 31:20



KASANO A MAAMMUAK?

Naisublin ti ebanghelio ni Jesucristo babaen ti paltiing manipud iti Dios ken ni Propeta Joseph Smith ken kadagiti dadduma pay a propeta.

Maammuum para iti bagim a pudno dagitoy a banag babaen ti panagsaludsod iti Nailangitan nga Amam iti kararag. Sungbatannaka babaen iti Espiritu Santo, a maawagan pay iti Espiritu ti Dios. Ti Espiritu Santo ket agsaksi, wenno agpaneknek, iti Nailangitan nga Ama ken ni Jesucristo. Ti Espiritu Santo ti mangipatalged iti kinapudno babaen kadagiti rikna, panunot, ken impresion. Dagiti rikna a sumangbay manipud iti Espiritu Santo ket nabileg, ngem gagangay pay dagitoy a naalumamay ken naulimek. Kas naisuro iti Biblia, “Ti bunga ti Espiritu ayat, rag-o, talna, mabayag a panagitured, kinaanus, kinalaing, kinamanag-talek, kinaemma [ken] panagteppel” (Taga Galacia 5:22–23).

Dagitoy a rikna ket pammatalged manipud iti Espiritu Santo a pudno daytoy a mensahe. Kalpasanna kasapulamtio ti mang-pili no agbiagkanto a maitunos iti ebanghelio ni Jesucristo kas naisubli babaen ken ni Joseph Smith.

*K*asano nga Agkararagak?

- Umawagka iti Nailangitan nga Amam.
- Yebkasmo dagiti rikna ti pusom wenno kaunggam (panagyaman, panagsaludsod, panagkiddaw a mangipatalged iti kinapudno ti Libro ni Mormon ken dagiti panangisuro dagiti misionario).
- Igibusmo iti (“Iti nagan ni Jesucristo, amen”).

LISTAAN DAGITI BALIKAS

Katulagan Maysa a pannakitulag iti nagbaetan ti Dios ken dagiti annakna. Mangted ti Dios kadagiti kondision para iti katulagan, ket umamongtayo nga agtungpal Kenkuana. Ikari ti Dios dagiti masinunuo a bendision gapu iti panagtungpaltayo.

Ordinansa Maysa a sagrado, pormal nga aramid nga annongen ti turay wenno awtoridad ti priesthood. Dagiti pagarigan ket iramanna ti panagbuniag, panangawat iti Espiritu Santo, ken ti sakramento. Dagiti ordinansa ket masansan a wagas ti iseserrek kadagiti katulagan iti Dios.

Panagbuniag Ti napateg unay nga addang iti panangawat iti pannakapakawan dagiti basbasol. Babaen ti panagbuniag ken pannakapatalged babaen ti turay wenno awtoridad ti priesthood, agbalintayo a miembro ti Ti Simbaan ni Jesucristo dagiti Santo iti Ud-udina nga Aldaw. Ti panagbuniag ket babaen iti pannakairarem, kayatna a sawen a ti tao a mabumbuniagan ket apagbiit a mairarem iti uneg ti danum. Ti panagbuniag ket mangipakita iti kinatallugodtayo a sumurot iti pagwadan ni Cristo ken agaramid kadagiti katulagan iti Dios.

Pannakaisalakan Pannakaisalakan manipud iti basol ken ipapatay. Ti Pannubbot ni Jesucristo ti mangaramid a maipatungpal ti pannakaisalakan. Babaen ti Panagungar ni Jesucristo, kabaelanto ti tunggal maysa a mangparmek kadagiti bunga ti ipapatay. Maisalakantayo pay manipud kadagiti bunga dagiti basoltayo babaen iti pammati ken ni Jesucristo. Maiparangarang daytoy a pammati iti biag nga addaan panagbabawi ken panagtungpal kadagiti linteg ken ordinansa iti ebanghelio ken panagerbi ken ni Cristo.

Pannakapatalged Ti wagas a pakaawatan ti maysa a tao iti Espiritu Santo. Iti daytoy nga ordinansa, a gagangay a maaramid iti miting ti sakramento kalpasan laeng ti panagbuniag, mapatalgedan ti tao, wenno maaramid, a maysa a miembro ti Ti Simbaan ni Jesucristo dagiti Santo iti Ud-udina nga aldaw.

Pannubbot Ti pasamak a mangpabalín kadatayo a makitunos iti Dios. Ti mangsubbot ket agsagaba iti pannusa gapu iti basol, iti kasta panangikkat kadagiti bunga ti basol manipud kadagiti agbabbabawi a managbasol. Ni Jesucristo laeng ti kakaisuna a makabael a mangaramid iti naan-anay a Pannubbot para iti amin a sangkataw-an. Nairaman iti Pannubbotna ti panagsagabana para kadagiti basbasoltayo, ti panagsayasay ti darana, ken ti ipapatay ken Panagungarna. Gapu iti Pannubbotna, agungarto ti tunggal maysa a nagbiagen. Ti Pannubbot ket mangipaay pay kadatayo iti maysa a wagas a pakapakawanan dagiti basbasoltayo ken makipagnaed iti Dios iti agnanayon.

Parabur Maited ti nadiosan a tulong ken pigsá babaen iti asi ken ayat ni Jesucristo. Babaen iti paraburna, nga inaramid a posible ti Pannubbotna, agungarto ti amin a sangkataw-an. Babaen iti paraburna, dagiti agtultuloy nga agbabawi ken agbiag a mayannurot iti ebangheliona ket mariknadanto ti napaut a pannakisinged iti Nailangitan nga Amada iti daytoy a biag ken agbiagda iti imatangna kalpasan daytoy a biag.

Sakramento Maysa nga ordinansa a mangipalagip kadagiti miembro ti Simbaan iti Pannubbot ni Jesucristo. Babaen iti pannakiranud iti sakramento, pabaruentayo ti katulagan nga inaramidayo idi nabuniagantayo. Mabendisionan ti tinapay ken danum ken maited iti kongregasion. Ti tinapay ti mangibagi iti bagi ni Jesucristo, ket ti danum ti mangibagi iti darana. Maaramid daytoy nga ordinansa iti tunggal lawas iti maysa a serbisio a pagdaydayaw a maawagan iti miting ti sakramento.

MAINAYON A PANAGADAL

Dagiti sumaganad a saludsod ken nasantuan a kasuratan ket makatulongto kenka nga agsursuro iti ad-adu pay maipapan kadagiti pagbatayan iti daytoy a polieto ken panangutob kadagitoy. Saan a komprehensibo ti listaan; dagiti lista baba [footnote] ken cross-reference kadagiti nasantuan a kasuratan ket mangitudo kenka kadagiti nayon pay a binatog ken pagadawan.

Ania ti ebanghelio ni Jesucristo?

3 Nephi 27:13–22 (Ti Libro ni Mormon, dagiti panid 587–88)

Ania ti kayat a sawen ti maaddaan iti pammati?

Kasano a makaited ti pammati iti pigsa kenka?

Hebreo 11:1, 6 (Biblia, Baro a Tulag)

Alma 32:21, 26–28 (Libro ni Mormon, dagiti panid 368–69)

Ether 12:6 (Libro ni Mormon, panid 651)

Ania ti kaipapanan ti agbabawi?

Apay a kasapulan nga agbabawi ti tunggal maysa?

Lucas 15:3–10 (Biblia, Baro a Tulag)

Dagiti Aramid 3:19 (Biblia, Baro a Tulag)

Alma 12:33–34 (Libro ni Mormon, panid 303)

Apay a kasapulan a mabuniagan ti tunggal maysa?

Dagiti Aramid 2:38 (Biblia, Baro a Tulag)

2 Nephi 31–32 (Libro ni Mormon, dagiti panid 141–44)

Ania ti Espiritu Santo?

Kasano a mabendisionan ti Espiritu Santo ti biagmo?

2 Nephi 32:5 (Libro ni Mormon, panid 145)

3 Nephi 27:20 (Libro ni Mormon, panid 587)

Ania ti panggep ti sakramento?

3 Nephi 18:1–12 (Libro ni Mormon, dagiti panid 565–66)

Moroni 4–5 (Libro ni Mormon, panid 664)

Ania ti kayat a sawen ti agibtur agingga iti panungpalan?

2 Nephi 31:15–20 (Libro ni Mormon, dagiti panid 143–44)

3 Nephi 15:9 (Libro Mormon, panid 559)

MAKIPAGDAYDAYAWKA KADAKAMI

UMAYKA KET KITAEM NO KASANO A MABENDISIONAN
TI NAISUBLI NGA EBANGHELIO TI BIAGMO



Ti miting ti sakramento ti kangrunaan a serbisio a pagdaydayaw. Gagangay nga agpaut daytoy iti nasurok bassit a maysa nga oras ken gagangay a buklen ti sumaganad:

Dagiti himno: Kantaen ti kongregasion. (Maited dagiti libro dagiti himno.)

Dagiti kararag: Iruknoy dagiti lokal a miembro ti Simbaan.

Ti sakramento: Mabendisionan ti tinapay ken danum ken maiwaras iti kongregasion kas panglaglagip iti Pannubbot ni Jesucristo.

Dagiti agsarita: Gagangay a natudingan iti nasapsapa ti maysa wenno dua a miembro ti kongregasion nga agsarita maipapan kadagiti topiko maipanggep iti ebanghelio.

Kawes: Gagangay nga agkawes dagiti lallaki ken babbarito iti terno wenno maibagay a pantalon a naternuan iti kamisadentro nga adda kurbatana. Agkawes dagiti babbai ken babbalasitang iti bestida wenno palda.

Saan a makiddaw dagiti donasion kabayatan ti serbisio a pagdaydayaw.

Awisendaka pay a dumar-ay kadagiti nayon pay a miting, segun iti paggugustom ken iti ragup ti edadmo. Mabalin nga agduduma ti urnos ken kaadda a sidadaan dagitoy a miting.

Sunday School: Dagiti klase para iti panagadal kadagiti nasantuan a kasuratan ken doktrina ti ebanghelio.

Dagiti miting iti priesthood: Dagiti klase para kadagiti lallaki ken babbarito nga agtawen iti 12 wenno natataengan.

Relief Society: Dagiti klase para kadagiti babbai nga agtawen iti 18 ken natataengan.

Young Women: Dagiti klase para kadagiti babbalasitang nga agtawen iti 12 agingga iti 18.


Primary: Serbisio iti ragup ken dagiti klase para kadagiti ubbing nga agtawen iti 3 agingga iti 11. Masansan nga adda a sidadaan ti nursery para kadagiti ubbing nga agtawen iti 18 a bulan agingga iti 3 a tawen.



Oras ti miting ti sakramento: _____

Adres ti kapilia: _____

Ania ti Nasken nga Aramidek?



- Basaen ti Libro ni Mormon.

Dagiti naisingasing a basaen: _____

- Agkararagka tapno maammuam a ni Jesucristo ti Mangisalakanmo.
- Agbabawi ken agkararagka para iti pannakapakawan dagiti basolmo. Ikarigatam ti agbiag a mayannurot kadagiti bilin ti Dios.
- Makimisa.
- Agsagana nga agpabuniag inton _____
- Bisitaen ti www.mormon.org tapno masursuro ti ad-adu pay maipapan iti naisubli nga ebanghelio ni Jesucristo.
- Ituloy ti pannakipagkita kadagiti misionario tapno masursuro ti ad-adu pay maipapan kadagiti kinapudno nga insublin ti Dios babaen kadagiti propetana iti kabaruanan nga aldaw.

Sumaruno a pannakipagkita: _____

Nagan ken numero ti telepono dagiti misionario:

TI SIMBAAN NI
JESUCRISTO
DAGITI SANTO
ITI UD-UDINA NGA ALDAW

www.mormon.org

Dagiti Pammadayaw iti Ladawan

Akinsango nga akkub: Detalye manipud iti Sibibiag a Danum, ni Simon Dewey © Simon Dewey. Saan a kopiaen
Panid 2: Detalye manipud iti *Ti Kaskasaba idlay bantay*, ni Carl Heinrich Bloch. Naaramat nga addaan pammalubos ti
National Historic Museum iti Frederiksborg iti Hillerød, Danmark
Panid 5: *Ni Cristo a Mangpapgungar iti Anak a Babai ni Jairo*, ni Greg K. Olsen. © Greg K. Olsen
Panid 6: *Ti Nadunggo a Manggagas*, ni Greg K. Olsen. © Conceptions Unlimited Investments, Inc. Saan a kopiaen
Panid 9: *Ni Juan Bautista a Mangbumbuniag ken ni Jesus*, ni Greg K. Olsen. © Greg K. Olsen. Saan a kopiaen

© 2012 ti Intellectual Reserve, Inc. Nalilatag amin a karbengan. Naimaldit iti EUA.
Pannakaanamongna iti Ingles: 7/08. Pannakaanamongna a maipatarus: 7/08.

Pannakaipatarus ti *The Gospel of Jesus Christ*. Ilokano. 01158 864

ILOKANO



4 0201158864 3

01158 864